

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ք.Իջևան

06.08.2021թ.

«ՀԱՅԱՍՏԱՆԻ ՀԱՇՎԱԴԱՐԱՆՆԵՐԻ ԱՍՈՑԻԱՏԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆԸ, ՀՎՀՀ 00138021, ի դեմս նախագահ Վահագն Համբարձումյանի, այսուհետ՝ **Կազմակերպություն**, որը գործում է կանոնադրության հիման վրա, մի կողմից և «ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ Իջևանի մասնաճյուղը, ՀՎՀՀ 01506928, ի դեմս տնօրենի պաշտոնակատար Անուշավան Մակարյանի, այսուհետ՝ **Մասնաճյուղ**, որը գործում է կանոնադրության հիման վրա, մյուս կողմից, այսուհետ համատեղ հիշատակվելուց՝ **Կողմեր**, կարևորելով գործընկերության և համագործակցության դերը ուսանողների կրթության, մասնագիտացման ոլորտում և գործարար մակարդակում դրանց կիրառման գործընթացներում՝ կնքեցին սույն հուշագիրը հետևյալի մասին:

1. Հուշագրի առարկան

- 1.1. Սույն հուշագրով **Կողմերը** համաձայնվում և պայմանավորվում են, որ.
 - 1.1.1. Կրթական ծրագրերի մշակման և իրականացման գործընթացում **Մասնաճյուղը** ըստ նպատակահարմարության իր մասնագետների հետ համատեղ ներգրավում է նաև **Կազմակերպության** փորձառու աշխատողների և անդամների:
 - 1.1.2. **Մասնաճյուղի** կողմից ուղեգրման դեպքում կրթական ծրագրով ուսանողների ուսումնառատագրական և գիտահետազոտական պրակտիկաները կազմակերպվում և անցկացվում են **Կազմակերպությունում**:
 - 1.1.3. **Մասնաճյուղը** ամփոփիչ ատեստավորման հանձնաժողովների կազմում ներգրավում է **Կազմակերպության** կողմից առաջադրված համապատասխան մասնագետներին:
 - 1.1.4. **Մասնաճյուղը Կազմակերպության** աշխատակիցներին և անդամներին հրավիրում է իր կողմից տարբեր հարթակներում և ակումբներում կազմակերպվող բաց դասերին, սեմինարներին և քննարկումներին:
 - 1.1.5. **Կազմակերպությունը Մասնաճյուղի** ուսանողներին և պրոֆեսորադասախոսական կազմին հրավիրում է իր կողմից տարբեր հարթակներում և ակումբներում կազմակերպվող բաց դասերին, սեմինարներին և քննարկումներին:
 - 1.1.6. Համատեղ կազմակերպում և անցկացնում են բաց դասեր, սեմինարներ և մասնագիտական քննարկումներ:
 - 1.1.7. Համատեղ հրատարակում են ուսումնամեթոդական նյութեր:
 - 1.1.8. **Կազմակերպությունը** ուսանողների համար կազմակերպում է հանդիպումներ բիզնեսի տարբեր ոլորտներում կայացած հաջողակ գործարարների հետ, իրենց անձնական փորձը ուսանողներին ներկայացնելու նպատակով:
 - 1.1.9. **Կազմակերպությունը** թեստավորման և հարցազրույցների արդյունքում լավագույն ուսանողներին ապահովում է աշխատանքով՝ իր մոտ կամ իր աջակցությամբ՝ գործընկերների մոտ:
 - 1.1.10. **Կազմակերպությունը** կարող է իր կամ գործընկերների միջոցով աջակցություն ցուցաբերել ուսանողներին՝ ուսման վարձի փոխհատուցման, կրթաթոշակների և այլ ձևերով:
- 1.2. **Կազմակերպությունը և Մասնաճյուղը** նպատակահարմար են գտնում մշտապես քննարկել և մշակել համագործակցության առավել արդյունավետ այլ ձևաչափեր՝ կրթական ծրագրերի կատարելագործման և գործարար մակարդակում դրանց կիրառման նպատակով:

2. Հուշագրի գործողության ժամկետը

- 2.1. Հուշագիրն ուժի մեջ է մտնում 06.08.2021թ.-ից և գործում է անժամկետ:
- 2.2. Հուշագիրը կարող է լուծվել կողմերից յուրաքանչյուրի նախաձեռնությամբ՝ այդ մասին մյուս կողմին նախօրոք գրավոր ձևով պատշաճ ծանուցելով: Այս դեպքում ծանուցագրում նշված օրվանից Հուշագիրը համարվում է լուծված:

3. Այլ պայմաններ


- 3.1. Հուշագիրը կազմված և ստորագրված է երկու օրինակներից, որոնք ունեն հավասար իրավաբանական ուժ, որոնցից մեկը պահվում է **Կազմակերպության**, իսկ մյուսը՝ **Մասնաճյուղի** մոտ:

4. Կողմերի հասցեները և ստորագրությունները

Կազմակերպություն

ՀՀ, ք.Երևան, Արաբկիր ՎՇ, Կաթարշտյան 12

(հասցե)



(ստորագրություն)



Մասնաճյուղ

ՀՀ ՏՄ, ք.Իջևան, Ուսանողական 3

(հասցե)


(ստորագրություն)

Կ.Տ.